

DE  
CHRISTIANI WOLFII  
EDVCATIONE, STVDIIS IVVENILIBVS  
VITAQVE SCHOLASTICA  
MEMORABILIA QVAEDAM NEC DVM EDITA  
PVBLICE PROPONIT

---

ET  
PANEGLYRIN  
OBSERVANTIAE PIETATISQVE  
SENATVI AMPLISSIMO

DECLARANDAE CAVSSA  
IN GYMNASIO GORLICENS  
cIc Ic cc LIII. d. XI Nov

INSTITVENDAM INDICIT

M. FRIDERICVS CHRISTIANVS BAVMEISTERVS  
AVGVSTI GYMNASII GORL. RECT

---

GORLICII; EXCVDEBAT IOH. FRIDER. FICKELSCHERERV.

Biogr. erud.

1697, 4

Witt. Erw. 1697 - No - 4

HILIONI LIBRARIA

BY HENRY COTTERELL  
PRINTED AND PUBLISHED BY  
HARVEY & CO., LTD.

THEATRUM MUNDANUM

THEATRUM MUNDANUM

THEATRUM MUNDANUM

THEATRUM MUNDANUM

THEATRUM MUNDANUM

THEATRUM MUNDANUM



ondum uulnus, quod nuper **CHRISTIANI WOLFII**, philosophorum, nostra aetate, facile principis, decessu Germaniae, uel, ut rectius dicam, uniuersae Europae inflictum fuit, obductum ita est et percuratum, quin, tanti uiri recordatione, identidem recrudescat. Suum sibi praesidium erexitum dolet sublatumque ueritas, moerent litterae, et, ut quisque saeculi nostri, philosophiae lumine collustrati, felicitate maxime laetatur, ita grauissime fert obitum Viri, qui, ad asserendum ueri decus genitus, propter incredibile sapientiae ornandae prouehendaeque studium, uidetur omnino mori non debuisse.

a 2

Quan-

Quantum uero sui desiderium reliquit Vir Illustris, tantam nominis famam, patefacto ad immortalitatem aditu, consecutus est, tamque longam sui effecit memoriam, ut eam nulla sit obliuio oblitteratura. Dudum enim omnium, uel maxime dissimilatrum, gentium oculos animosque in se conuertit, et uniuersam, qua cultioribus litteris sapientiaeque statuit pretium, Europam stupore et admiratione detinuit.

Huius ergo incomparabilis, et post hominum memoriam acutissimi, philosophi, cuius nomen Germanis uenerabile existit, quem Galli admirantur Germaniaeque inuident, quem suspiciunt Belgae, quem reuerentur Itali, quem colit septentrio et obseruat, quem Britanni ferunt laudibus, cuius decora et merita tot gentes aliae ornant mactantque honoribus, huius, inquam, WOLFII memoriam in Gymnasio nostro commemorando reuouari, posterisque tradi, iubet pietas. Inprimis uero ex eo non omnino nullum fructum ad iuuentutem, sapientiae litterisque deditam, redundaturum putavi, si quae ipse de uitae scholasticae, quam inierit quondam, ratione sua perscripsit manu, paucis commemorare parem.

Decem

Decem, amplius, sunt anni. cum, suasu roga-  
tuque amicorum, uitam fataque WOLFII latine  
exposui, forasque, at te<sup>cto</sup> nomine, dedi. Subti-  
mide enim, ut tum erant tempora, hoc negotium  
in me susceperam. Quos conatus nostros cum  
WOLFIO minus displicuisse, intelligerem, ad  
ipsum, itinere Vitembergam, inde Halam suscep-  
to, uisebam, consiliumque meum uitam ipsius copio-  
sius commemorandi coram aperiebam. Subridens  
ille primum et permodestus, ut solebat, "quam tu,  
"inquit, putas, ab eruditis initurum gratiam, si uiri,  
"qui, paucis notus, in obscuro latet angulo et tene-  
"bris, uitam, quam nosse perpaucorum interest,  
"scripseris?

At tandem, diu multumque meis obliu<sup>t</sup>status  
precibus, promisit, se commentarios de uita fatis-  
que suis, sua scriptos manu, si qui in scriniis afferua-  
rentur, propediem ad me missurum. Stetit pro-  
missis. Paullo enim post ad Consultissimum GEH-  
LERVM, ciuitatis nostrae Consulem meritissimum,  
quo, dum uixit, familiarissime usus est, *αὐτέγραφον* mi-  
fit, quod, a Viro Excellentissimo mecum perbenigne  
communicatum, amplam uitae Wolfianae copio-  
sius enarrandae materiam suppeditat.

Dudum, certissimo hoc subixus documento, publicassem, quae de uita fatisque suis eruditos uolebat scire WOLFIVS. At consilio meo cum alia plura intercesserunt, tum quod occurribant nonnulla, quae rectius tutiusque, mortuo, quam uiuo, WOLFIO, poterant commemorari.

Visum nunc est, ea potissimum ex hoc *ατογράφω* feligere, quae ad infantiae pueritiaeque WOLFIA-NAE annos pertinent, exercitationibusque, quas in scholis Gymnasioque obiit, cognoscendis inferuiunt. Prolusionem hanc ideo uitae WOLFII, abs me propediem uberius enarrandae, praemitti uolo, ut iuuenibus, fidei meae et disciplinae concreditis, imaginem non modo ad intuendum, sed etiam ad imitandum proponam, quam dum oculis animoque suo, in instruenda studiorum scholasticorum *ratione*, subiiciunt, animum et mentem ipsa cogitatione tanti, tamque exquisite docti, philosophi conformandi oblatam sibi uident occasionem.

Silesiam suis illustrauit natalibus WOLFIVS, Vratislauiae, anno superioris saeculi nono et septuagesimo, IX Calend. Febr. (d. xxiv Januar.) post horam VII. uerspertinam, cum dimidia, auditam in lucem editus est. Quamquam, qua quisque hora, quoque horae momento natus sit, parum referre uidea-

\* \* \*

videatur, ii tamen, qui ex cuiusque hominis genitura futuros euentus fatorumque uicissitudines prospici posse et praedici existimant, in eruditorum uitis enarrandis apprime utile esse, aiunt, ut genitatis indicetur hora, qua curatius cognita, fata se hominum dicturos pollicentur. Quorum quidem sententiae quamuis non magis accederet WOLFIVS, quam Fauorinus, philosophus, apud Gelium, (1) fuere tamen nonnulla, quae ipsum permouerunt, ut horam, qua nascens primum uitalem hunc spiritum hausit, notandam et in commentarios suos referendam putaret.

Jenae cum in Mathesin diligentius incumberet, astrologiae, quam uocant, iudiciaiae a multis, nec iis indoctis, uiris plus, quam concedat ueritas, tribui intellexit. Quare, ne quid in artis huius mysteriis curiosius rimandis intentatum relinquenter, ipse, iuuenili elatus impetu, uerique sciendi ductus studio, hora natalis num sibi esset fatalis, exquirere allaborauit, ex praeteritis praesentia, ex praesentibus futura auguraturus. Calculo ergo subducto, rationibusque scrupulosius initis, uidit inuenitque multiplicem fatorum uarietatem, exitu, quod mireris, post multos demum annos, comprobata.

### Nascendi

(1) Lib. XIV. c. l. (2) Memoratu digna sunt, quae in MS<sup>to</sup> αὐτογράφω inueniuntur, uerba WOLFII: Als ich in Jena die Mathematik studirte, stellte



Nascendi fortuna natus est parentes, non splendido illos quidem illustrius loco natos, at pios, honestos, et in filio suo, qui in sex liberorum ordine secundus erat, liberalius educando, adornandisque futurae doctrinae praesidiis continenter occupatos. Patre usus est ciue Vratislauiensis, qui et domicilium Vratislauiae habuit, et honesto nec illiberali opificio uitum sibi paravit, in coriis, alumine subigendis, et ad usum aptandis operam consumens.

Quanta animi uoluptate filiolum recens natum ulnisque gremio exceperat suis pater, tanta animi solicitudine eundem curauit educandum. Ipsum ergo, religionis Christianae initiatum mysteriis, et sacro lauacro d. xxv. Januar. die, quo memoria Paulli, ad Deum conuersi, quotannis recolitur, in templo Magdalenaeo a peccatorum fardibus repur-

stellte ich mir die Nativität, wiewol ich es nicht ganz vollführen mochte. Ich brachte heraus, daß ich in unverdiente Ungnade eines Königes verfallen würde, der es aber nach der Zeit erkennen würde, und mir besondere Gnade erzeigen. Als nun die Fatalität in Halle sich ereignete, fand der sel. Herr Thümmig, der meine Sachen in meiner Abwesenheit einpacken mußte, was ich davon aufgezeichnet hatte, unter meinen Papieren, und schickte mir es nach Marburg. Da ich auf die Astrologie niemals etwas gehalten, auch noch nicht halte, schrieb ich dieses, als was besonders an den iegigen Staatsminister in Stuttgart, den Herrn Bülfinger, (zumal, da noch darzu kam, daß mir die Fatalität einige Zeit vorher getraumet, ehe sie mir begegnet) welcher es wieder in der Schweiz bekannt gemacht, daß es noch U. 1724. in den daselbst gedruckten Neuigkeiten publiciret ward. Nun der Ausgang hat gewiesen, daß auch der andere Punkt, von der Wiedererlangung der Gnade des Königes eingetroffen.

purgatum, qua poterat, fide uigilantiaque formabat, ita, ut, quos uirtutum honestatisque igniculos, naturae bonitate, in filioli animo insitos obseruabat, eos in dies magis magisque exluscitaret.

Quamquam enim cum temporum, multis calamitatibus insignitorum, difficultibus mirum quantum WOLFII parentibus conflictandum erat, innumeraque, ut fere fit in armorum strepitu, obstacula numerosae prolis, trium nimirum filiorum totidemque filiarum, educationi intercedere, animaduertebant, in educando tamen CHRISTIANO tantum ponebant studii, ut uel hic unus, qui formaretur instituereturque solicitissime, dignus ipsis uideretur. Inprimis pater, nihil rerum omnium erat, quod mallet, quam filium, quem iam, utero inclusum materno studiis liberalibus consecrauerat, 3) eruditum euadere.

Optatis parentum mire respondit pueruli indoles, quae in ipso fulgebat egregia. Vix tertium compleuerat annum, cum libros, ut quique in manus inciderant arriperet, iisdemque unice uidetur pasci, discendi cupiditatem, tanquam sitim, te-  
b stinctu-

(3) De quo ita WOLFIUS in αὐτογράφῳ: Mein Vater hat durch ein Gelübde mich dem Studiren gewidmet, ehe ich noch zur Welt kam, und daher auch nach seinem Vermögen nichts gespart, was diesen Vorfaß zu befördern von nöthen wäre.

stincturus. Obuium quemque de litterarum" ui ac potestate balbutiens interrogabat, non, nisi elementis animo memoriaque comprehensis, conquiescendum sibi arbitratus.

Vbi paullo adoleuerat, cum patre, qui olim in litteris eas iam progressiones fecerat, ut, ad primum usque Elisabethani Gymnasii ordinem prouectus, academiam meditaretur, at post mutato consilio, opificium, parentum iussu, deligeret, cum hoc, inquam, indulgentissimo patre totos dies interrogando, audiendo, discendoque consumebat. Ab hoc uocabula fleetendique uoces rationem, per lusum, et quasi aliud agendo, discebat, ita, ut, officina coriarii in scholam conuerfa, nunquam, nisi doctior, inde rediret.

Ita paullatim uiam sibi muniri, uidit WOLFIVS, ad Icholas, Vratislaviae publica constitutas auctoritate, utiliter frequentandas, in quas, nondum completo octauo aetatis anno, introductus, mira proficiendi celeritate, compluribusque ingenii praecocis experimentis editis, incredibilem sui exspectationem concitauit.

Quantum in schola ad humanitatem omnisque sapientiae cultum instituebatur, tantum domi, duce  
ac

ac monitore patre, pietatis exercitationibus quotidie distinebatur, uel in diuinioribus litteris nauiter explorandis occupatus, uel orationibus sacerdotum sacris audiendis, calamoque excipiendis intentus. Quo pietatis sensu cum imbueretur puerulus, mirum nemini uideri debet, animum eius, uerae religionis amore altis defixo radicibus, ita munitum fuisse aduersus illecebras corruptelasque saeculi, ut id omne, quod foedum inceptu, foedum exitu, uehementer, dum uixit, oderit, nec, nisi quod iustum honestumque esset, consecaretur. (4)

In Gymnasio Magdalenaeo profecit sub magistris haud poenitendis, quorum nonnulli famam nominis sunt consecuti. Initia solidioris doctrinae didicit a Pohlio, cui plus, quam ceteris, quos audierit, omnibus se debere, gratus professus est. Ab hoc ad humanitatem informatus, graecam et latinam linguam auide arripuit. Hunc, ordinis secundi alumnus, priuatim audiuit, inuitatus liberalitate optimi uiri, qui nihil ad quaestum referebat, iuuen-

b 2

num,

(4) Ita de se scripsit: Meine Eltern haben mir von der ersten Kindheit an große Liebe zur Gerechtigkeit, und einen Haß gegen die Ungerechtigkeit, auch einen Eifer für die Religion und Gottesfurcht beygebracht. Daher ohne Unterscheid der Witterung, alle Predigten des Sonntags, auch schon um 4 Uhr die Frühpredigten, wie auch die Wochenpredigten in der Hauptkirchen, besucht. Dabei zu Hause die Bibel täglich gelesen, und die in den Kirchen gewöhnl. Lieder auswendig gelernet.

num, ae decus et gloriam excitatorum, inopiae, quoquo modo fieri posset, subueniendum arbitratus.

Multum utique, gratus praedicat **WOLFIVS**, se cepisse utilitatis ex Pohlii recitationibus, at plns ex colloquiis, domi cum ipso familiarius habitis. Transferat in amicum praceptor, suique adeundi copiam uni omnium maxime **WOLFIO** fecerat. Qua quidem ex congreßione familiari conuictuque quotidiano nunquam, nisi doctior meliorque, discedebat, uel exquisitiori librorum, quos legeret, cognitione instructus, uel consiliis, rationi studiorum prudenter in eundae accommodatis, adiutus.

Fit ita fere, ut, in quibus aliquando nos excellere, et ad summa peruenire uult prouida Dei cura, ad ea, inde usque a teneris, quod aiunt, unguiculis, occulta quadam Numinis ui impetuque interno, feramur, trahamur, et, uel inuiti, rapiamur.

Quod quidem luculentius **WOLFII** exemplo uidetur comprobari. Hic enim cum, diuino consilio, destinatus esset ad superstitionem saeculi oppugnandam, tenebras, quibus circumfusa erat philosophia, discutiendas, rationique, de solio uelut deiectae, pristinum decus dignitatemque reddendam,

\* \* \*

dam, mirum non erat, quod adolescentulus et paene puer ad tam memorabile tantique momenti negotium, abditis quibusdam acrioribusque concitatus stimulis, se praepararet. In linguarum cultura non eum sibi pastum inuenisse uisus est, quo mens, rerum cognoscendarum audiissima, expleri posset. Quare, cortice relicto, nucleus gustaturus, ad philosophiam se contulit, philosophorumque scholis diligenter interfuit.

Tum temporis innumeris scholasticorum foribus inquinata erat philosophia, et utilissimis quibusque doctrinis multa nox erat offusa, ita, ut, si quis cogitationes suas ac studia ad eam referret, nihil aliud uideretur agere, quam barbarorum gregem augere. Quotquot enim, uel in academiis, uel *Gymnasiis philosophiam interpretabantur*, tum demum sibi aliisque uidebantur sapere, si, quos nemo intelligeret, terminos proferrent, si, quod clarum erat, id redderent obscurum, si in uerbis et captiunculis haererent, aut contortulis quibusdam sophismatibus fucum facerent aliis.

In hos ergo philosophiae scholasticae hortos cum se deductum uideret WOLFIVS, flosculos, quos decerperet, frustra quaesiuit, lolio ubique dominante, sterile que auena. Non tamen remisit stu-  
b 3 dium,

dium, sed, animo ad cogitandum composito, lucem scholasticorum tenebris inferre, et, quae cuique termino subiecta esset sententia, diligentius exquirere coepit. Ita se gerendo tantas in philosophia fecerat progressiones, ut, ad differendum aptissimus, exercitatissimos, quin ipsos persaepe Loiolitas, uel ad certamen prouocaret, uel prouocatus erudite promteque dissentientium infringeret argumenta, et, inciso feliciter dubitationum neruo, uictor ex pugna discederet.

Quamquam ergo, tanto subtilitatum scholasticarum apparatu instructus, eruditissimis, qui tum Vratislauiae numerabantur, philosophis, et in his maxime HANCKIO, WOLFIVM, in academiam abiturum, examinanti, et Metaphysicae scholasticae peritissimo, satis faciebat, *sibi tamen suaeque ueri cognoscendi cupiditati nondum fecerat satis.*

Cum enim, Logica adiutrice, uerum inueniri posse, ex amicis accepisset, quiduis uero potius, quam artem uerum inueniendi, per scholasticae Logicae regulas adiuuari, intelligeret, parum aberat, quin philosophiae pertaesus, de philosophandi utilitate desperaret. In quo se confirmari senserat crebrioribus GRYPHII, philosophiae scholasticae infensissimi, dieteriis, quae eo ualebant, ut philosophiam,

phiam, (neque enim tum temporis poterat aliter facere uir eruditissimus,) risui omnium exponeret, nolletque auditorum suorum quemquam philosophari.

Hic GRYPHIVS, qui inter praceptorum WOLFII primo loco nominari debet, tanta elegantioris litteraturae omnisque historiae scientia erat instruclus, ut difficile uideretur iudicatu, praestantiorne in ipso historicus, an orator aut poeta, emineret. Huius ergo polyhistoris studio et dexteritate per amplum politioris litteraturae circum deductus, uarios libros, uariasque rei litterariae eruditaeque sapientiae uicissitudines cognoscendi facultatem sibi oblatam sensit. Docendi ratione Gryphiana mirifice delectabatur, sibique illud in primis in academiis magno fuisse usui praedicauit, quod Gryphius omnia, quae doceret, latiusque explicaret, ab auditorum optimis, quos ad id de legerat, subito excipi calamo uellet. Qua quidem exercitatione orationis, qua utitur docens, contextum perite et ita excipiendi, ut ad mentem doctoris intelligendam nihil desit, nihil redundet, mire se ad aemulandum uimque attendendi acuendam incitatum esse, scribit WOLFVS. (5)

Nihil

(5) De Gryphiana docendi ratione iuuat WOLFII uerba adponere.  
Gryphio habe ich auch, inquit, etwas besonders zu danken. Er hatte  
die

Nihil, praeter philosophiam, in scholis Gryphianis, nihilque, praeter lucem, in ipsa ceterorum doctorum philosophia desiderabat WOLFIVS, qui ab illa ita se iungit, ita fastidio alienari non poterat, quin, quemadmodum infans ab uberibus auulsus ad matrem, sic ad eam oculos mentemque identidem referret. Anxie de uero, philosophiae ope, inueniendo solicitus, peropportune, commendatore Pohlio suo et Neumanno, Theologo et ingenii et uitae emendatissimae, in philosophiam incidit Cartesia-

die Gewohnheit, daß er in seine Lectiones stets viele Bücher brachte, indem er nicht allein selbst eine ausgelesene Bibliothek besaß, sondern auch die kostbare Bibliothek des Hrn. Baron von Logau, die nach diesem an den weimarschen Hof kommen ist, zu seinem Gebrauch hatte, um viele Loca aus denselben vorzulesen. Einige wenige, worunter er auch mich aussersehen hatte, mußten die ganze Lection währenden Docirens ex tempore aufschreiben, und in einem zusammenhangenden Discurs bringen, zu Ende der Lection aber, wenn er aufgefordert war, vorlesen. Er war ein sehr hitziger Mann, der gleich zornig ward, wenn das geringste Momentum ausgelassen, oder etwas nicht nach seinem Sinn niedergegeschrieben war: hingegen lobte er ungemein einen öffentlich, wenn man es recht gemacht hatte. Und dieses war ein Stimulus, daß man einander amulirte, und zu besonderer Attention aufgemuntert worden. Daher geschah es, daß, als der sel. Hr. Prof. Hamberger meinen Discurs, den ich aus seinem Munde über Sturmii Physicam conciliatricem nachgeschrieben hatte, zu Gesichte bekam, er sich wunderte, wie ich es prästiren könnte, zumal, da er wußte, daß ich damals erst auf die Universität kam. Gryphius war ein Feind von der Philosophie, und suchte dieselbe aus dem Aristophane lächerlich zu machen, insonderheit auch von der Algebra. Daher durfte ich es nicht merken lassen, daß ich mich in iener fleißig übte, und zu dieser eine große Lust hatte. Dennoch gefiel es ihm, als ich in dem Examine wegen des Stipendii dem Rectori Elisab. Gymnasii Hrn. Hancken, der ein Erzmetaphysicus war, so wohl antworten konnte, welches Hr. Berndt in seinem Lebenslaufe öffentlich bezeuget, der mit mir zugleich examiniret wurde. Ex MSpto ατογαφω.

\* \* \*

tesianam, non numeris omnibus expletam illam quidem, at scholaſtica multo luculentiorem. Cartesium in philosophiam, quae contemplatione continetur, lucem intulisse, inueniebat gaudebatque, at eundem, cum uideret, de morum doctrina, integritati suae reddenda, parum cogitasse, ipsum, tum iuuenem nondum uiginti annorum, incredibilis quaedam inceſebat cupido, eam philosophiae partem, qua mores conformantur, emendandi, nouisque locupletandi accessionibus.

Cui quidem consilio, ad felicem peruehendo exitum, inseruire Tſchirnhausenii mentis medicinam, credebat, ex quo quidem libello uiam rationemque nouas eruendi ueritates omnium facillime cognosci posse sibi persuasit. Legebat ergo Tſchirnhausenum, (6) in ſpem certissimam magnae inde hauriendae eruditionis ingressus. At cum Tſchirnhausenii medicinam, niſi rei mathematicae scientia excultus, legere, certe intelligere, nemo poſſit, haerebat WOLFIVS, *αγεωμέτρος* adhuc ubiuis ſubtimide, multasque, quae ipsum, ulterius progreſſurum, remorarentur, difficultates incidere ſenſit. (7)

C Acces-

(6) Cum Tſchirnhauseno coniunxit Agricolae Tractat. de Arte dialectica, ad ſcholaſticorum ineptias rectius perſpiciendas.

(7) vid. Rat. Prael. p.m. 104.

Accessit ergo, quanta rei bene gerendae fiducia, tanto successu ad Mathesin, cuius, solide discenda, dolebat, nullam sibi occasionem Vratislauiae oblatam. Qui enim in Gymnasio mathesin docebant, in figurarum mathematicarum nominibus explicandis, usque globorum, coelestis et terrestris, demonstrando occupati, ultra progredi nec uolebant, nec poterant quidem. De quo conqueritur in ratione praelectionum, “quae in Gymnasio patrio, inquit, docebatur matthesis, ultra terminorum explicationem et figurarum descriptionem non extendebatur. (8)

Percupide, sciendi expleturus sitim, prisci recentiorisque aeui libros mathematicos enoluebat, Euclidem in primis, Clavii enarrationibus illustratum, in Algebra ipsum Clavium, in Arithmeticis Horchium, Frisium, alios. (9)

Nescio,

(8) p. 122. (9) Ita Wolfius de se ipso: In Breslau hatte ich zwar große Lust Mathesin zu erlernen, allein keine Gelegenheit darzu, indem außer dem usu Globorum coelestis et terrestris, und den Zeichnungen der Geometrischen Figuren, nichts gelehret ward. In meiner Kindheit, ehe ich das zehende Jahr erreichtet hatte, bekam ich des Frisiae Arithmeticam in die Hand, wie ich erst etwas Latein zu verstehen anfing, und daraus erlernte ich vor mich das Rechnen, selbst die Extractionem radicum, sowol cubicae, als quadratae. Einige Jahre darnach kam mir Horchens Rechenkunst in die Hände, daraus ich den Calculum litteralem erlernte, und eine obzwar sehr schlechte Idée von der Algebra bekam, wo von sonst kein Buch konnte zu sehen bekommen, als auf der Bibliothek Clavii Opera. In der Geometrie konnte ich nicht recht fortkommen, weil mir die Lust bald vergieng, da nicht sahe, wozu ich die Propositiones gebrauchen sollte, und da ich Clavii Euclidem hatte, waren mir die Demonstrationes zu weitläufig, indem ich allzuhißig war, eine Sache bald zu begreifen. Ex MSto ατογραφῳ.

Nescio, an adiiciam, in Theologia, cui se conserarat, longius iam in Gymnasio progressum esse WOLFIVM, quam multi uix in Academia progre-di soleant. A Krantzio, historiae sacrae doctore solertissimo, didicit fata uicissitudinesque ecclesiae, et Theologiam, negauit, recte et cum fructu disci, nisi historiae ecclesiasticae praefulciantur.

A Neumanno, at quanti nominis Theologo! cum, quoties ad populum de rebus diuinis diceret, tum, quum in Gymnasio, ex officii ratione, omnes Theologiae partes perspicue, copiose, et grauiter traderet, ab hoc, inquam, doctissimo Neumanno ad fontes purioris doctrinae combibendos deduci se gaudebat. Hoc duce, non modo Theologorum, qui se purioribus sacris, a Lutherò emendatis, addictos profitentur, scripta diligentius lexitabat, sed, rationes quoque secus sentientium suis ponderabat momentis, se aduersus errorum corruptelas muniturus. (10)

### Vides,

- (10) Die Theologie verstand ich schon gut, wie ich auf die Universität reisete, daß ich nichts darinnen zu lernen nothig zu seyn erachtete; wie ich denn auch in der That bezeigen kann, daß ich in Collegiis zu Jena nach diesem weniger gehöret, als ich schon wußte. Im Gymnasio wurde dazumal Koenigi Theologia positiva erklärret, darneben ich Bechmanns Annotationes in Compendium Hutteri las. Weit mehrers aber habe insonderheit aus Neumanns Predigten und Lexionibus gelernet. Und weil vernahm, daß die reformirten Theologi weiter als unsere in ihren Schriften giengen, so las zugleich Gürtleri Institutioes Theologiae, und Bur-
- mann



Vides, Lector, WOLFIVM, quem ad summa omnia excellens armauerat ingenium, eo, iuuenem et adolescentulum, peruenisse, quo uix centesimus quisque, in academiis diu commoratus, pertingit. Quid mirum ergo, eum, progrediente tempore, structis sibi ad dignitates amplissimas gradibus, suo exemplo comprobasse, nihil tam alte esse constitutum, quo uirtus non possit eniti.

Sequitur nunc, ut cur haec praefatus sim, indicem. Pietatis, SENAT VI AMPLISSIMO debitae, officio defuncturi, orationibus quibusdam, in Gymnasio craftina luce habendis, et gratam mentem pro innumeris beneficiis, in Mutas collatis, PATRONIS testificabimur, et Deum orabimus immortalem, ut florere iubeat PATRES CONSCRIPTOS, ciues, totamque rempublicam.

In concionem prodibunt, partibus, sibi impositis, defuncturi tres alumni, et ingenii et generis nobilitate incluti,

*Andreas Gottlob de Eicke, Equ. Luf.*

*Mauritius Ferdinandus de Wilcke, Equ. Misn.*

*Hanns Ernestus de Teubern, Equ. Misn.*

quorum primus teutonice de philosophia eorum, qui rempublicam administrant, alter in Poëtas latine, tertius pro poëtis gallice dicet.

Rogamus obseruantissime Gymnasii Patronos, omnesque, qui bonas litteras amant, ut orationes has, pietatis uotorumque plenas, perbenigne audiant, nostroque faueant instituto.

P. P. Gorlicl, clo lo cc LIII, d. X Nov.

manni Synopsin Theologiae, vorher aber Martini Expositionem Symboli Apostolici, welcher mir sehr wohl gefiel, und den ich beständig wertb gehalten, wie ich denn bis diese Stunde eine Liebe gegen diejenigen verspüre, daraus ich gelernet, was ich zu erlernen Lust hatte. Ex MSto.

